

內蒙古東部調查日記

東蒙游紀六 自烏丹城至林巴阪

嘉定馮誠求著

四月二十七日午十二點。由烏丹城起程。向北行。(距街二丈許。西北隅有土城基。)十二里上北鄂博山之平岡。(岡之陰陽均草甸。)又東北行。八里至乾溝子。(夏汛時。溝內有水。近涸。多粗石軟沙。)西行繞石山。復折而東。繞山麓上坡。十里至楷不奇爾溝。(溝右爲楷不奇爾溝營子。有漢民六十家。西距營子二里許。爲頭道窩棚。又三里許。爲二道窩棚。)又西北行上沙陀。八里至四道窩棚。(道右有井。已涸。)二里渡朝陽溝。(溝發於山泉。流入錫喇木倫。二里至四道帳房。六里至土岡。二里抵一棵樹。宿。共行五十里。時四點半。

一棵樹。隸赤峯縣之烏丹鄉。有老樹一棵。係百五十年前物。不甚高。俗稱北一棵樹。蓋別於烏丹城南之一棵樹也。據野老傳說。該處二百年前爲高麗屯。後爲蒙古屯。近八九十年爲漢民所佔。戶口三十家。(皆漢民。)旅店一家。有井一口。深十二丈。(水面八丈。水深四丈。)已五十餘年。冬夏不竭。聞鑿井時。爲黃王李三姓合辦。(三姓世爲鹽通事。)因工費不貲。家以中落。現時居民來井汲水。按地攤費。平川地一頃。爲一丈鋤。半頃爲五

東蒙游紀

分鋤。每鋤一丈。歲納赤峯錢六吊三百文。以供水斗(每斗值一吊)麻繩(每斤值五百)麻油(每斤值五百四十)之用。
種地不知畝法。以每天一牛二騾之力。爲十五畝。以播種若干碗。收穫若干斗。爲豐歉。大率以種六十碗。穫三十斗爲最稔。粗糲每斗百三十五碗。細糲八十四碗。(卽公議斗)種類各殊。收穫亦異。列表如左。

蒙名	收數	
	山坡	平川
種數	二升	三斗
平川	二斗半	一斗
不能種	七斗五升	一石三斗
高粱	同	一斗
穀子	哈那嘎	四碗
麥	同	四碗
蕎麥	色草達	四碗
糜子	麻葛勒	四碗
紅白粟	色勒科	二升
麻子	興爾沙	二升

一樹樹本山坡地。地價甚賤。每頃五吊。若寬買更賤。近聞張姓之地。長十八里。寬五里。契

價一千吊。(每頃合二吊二百六十八文) 蒙租歲以十月。由府派員來收。每頃繳租二斗二升。亦有三斗五升者。(每斗五十碗。謂之差斗。作赤峯錢五百文) 此外尚有皇差。每頃百文。小差三四十文。

農器。播種用田壺蘆。(蒙名倭辣。以紙糊成壺形。長其柄。蒙人用以撒籽。或以皮爲之) 壓礮用滾子。(蒙名薄辣。琢石如卵形。徑纔尺許。兩端貫以軸。用繩牽之。壓地成礮。土名雞蛋滾子) 其餘如犁。(蒙名麥子安柴) 鋤。(蒙名埃克青那) 木鍬。(蒙名毛登兒富爾基) 鐵鍬。(蒙名土木富爾基) 鏟刀。(蒙名哈杜拉) 之類。與內省同。

二十八日晨八點。由一棵樹起程。北行。八里至內糧溝。八里至頭分地。(有漢民種地。有井樹) 八里至照道溝門。十二里至頭道窪子。(有熟地。有井) 十二里至西搭拉。(搭拉蒙語。譯言草甸) 八里抵下九荒。共行五十六里。時二點鐘。宿六合齋。西搭拉。四圍皆土岡沙地。地卑下如釜底。居民本夥。光緒三十年十二月。地底出沸泉。居民不知趨避。至三十一年正月朔。漂沒糧食。冲毀房屋殆盡。僅存土牆一二處。現成水泊。周約里許。

東蒙游紀

六合齋爲山東人所開之雜貨舖。已二十餘年。兄弟八人。現祇存四。隸翁牛特左旗邊界。離和盛公燒鍋八里。有地三千餘頃。僱人榜青。(榜讀若碰。土人謂鋤爲榜。榜青卽鋤草。故傭工於人。亦爲榜青) 地多沙漠。栽樹不茂。附近戶口二十餘家。(俱漢民務農) 有井三口。深四丈。(水面一丈。水深三丈) 東去二十里有山。出石版如鐵色。斗口準大斗係圓柱式。徑一尺二寸二分。(係六合齋私尺。每尺約短十分之一) 高八寸。計積九百三十五寸一百八十八分五百一十一厘二百毫。算式列後。

3,14159	——	周率
122		
628318		
628318		
314159		
<hr/>		
3,83,27398	——	圓周
305	——	徑
191636990		
114282194		
<hr/>		
11689856390	——	面積
80		
<hr/>		
935,188,511,20	——	體積

公議斗同式。徑一尺一寸八分。高七寸。計積七百六十五寸五百十一分二百三十五厘三百毫。算式列後。

314159 — 周率
 188
 2513272
 314159
 314159
 37070762 — 圓周
 295
 185353810
 333636858
 74141524
 10935874790 — 面積
 70
 765,511,235,30 — 體積

二十九日晨十點。由下九荒起程。東行。仍折至西塔拉附近。復行上沙岡。(遙望北首。有鄂博山。爲翁牛特左旗與巴林右旗分界處) 又西北行。十二里至巴林橋。北行。十里至黑嶺子。(有窩棚四) 越河套。(河澗前後有草甸) 過索倫鄂山。(皆軟沙) 十八里至五十

東蒙游紀

家子。共行四十里。時二點半。宿蒙古包。

巴林橋。卽古潢水石橋。有石橋二。長各三丈四。順治十七年。巴林右旗多羅郡王之祖母。固倫淑慧太公主所建。(大公主。聖祖仁皇帝長姑。恩眷頗渥) 康熙四十五年。御蹕經此。咸豐六年。巴林旗員重修。橋東有龍口碑。字蹟模糊。二橋橫鎖兩岸。中爲行坡。有碑亭。內蒙漢文碑各一座。

巴林橋跨錫喇木倫。(卽西喇木倫。一作沙爾木倫) 卽古潢水。(錫喇木倫。蒙語。譯言黃河也) 河寬三百丈。水勢湍激。中多浮沙。潢水兩岸。契丹時渤海人居之。今兩岸不得越境而牧。越則爲蒙人所俘。故左岸草甸頗沃。迄今未闢。殊爲可惜。

哈拉木都五十家子。卽驛馬站。由巴林旗設驛馬五十匹。站丁一百五十人。歸熱河都統管轄。附近皆蒙人牧地。叢建穹廬。(土名蒙古包) 已二百餘年。近時始知耕種。左右沙岡擁抱。前爲伯音哈那山。後爲野馬拖山。中爲綽各洛河。(源自綽哈溝井來) 黑嶺子窩棚。亦一小站。附五十家子。(沙岡有碎石如玉。內含鑛質。如鉛。又如雲母) 蒙人種地。謂滿撒子。不鋤。亦不知畝數。以播種計。每日約四升。去歲播種十日者。收糜子

一百五十斗。橋南有漢人租地。亦無畝法。窮一馬所馳之圈子爲率。收租二十一斗。牛價每頭三十兩。馬每匹五十兩。騾三十兩。（無驢）羊每隻八兩五錢。閏四月初一日晨七點。由五十家子起程。東行過沙陀。又北行二十里至白音罕山。又二十里復過沙陀。渡察罕木倫。（譯言白河兩岸皆草甸）二里至西大廟。八里抵巴林阪。共行五十里。時十二點半。寓東大廟。巴林阪。蒙名大阪。譯言多數房屋也。隸巴林右旗。北距烏珠穆沁鹽泊約走八日。西由喇嘛廟至宣化府。約走一月。（蒙人不知里距。以牛車計算。若以馬計。可省三分之二）南望白音罕山。偏西十一度二十分。又望外層山。（土人不知名）偏東二十六度四十分。北望盎癯山。偏西七十二度二十分。三道街東有榮憲公主府。府右有廢廟。及台吉房屋。府左頭道街爲蒼福寺。（匾額係嘉慶御筆）俗呼東大廟。其二殿爲普覺寺。均爲榮憲公主所建。大殿八十餘間。喇嘛三百名。西大廟爲淑慧公主所建。喇嘛亦三百名。該二廟喇嘛。由巴林王官倉歲給香資五十。若喇嘛爲人。俸經日得百餘文。

東蒙游紀

四

戶口八十家。（舊隨公主來。膠。俱業工匠。近以畜牧爲生。間有種地者）商舖四家。（雜貨舖三家。藥舖一家）線貨布疋洋貨。均自赤峯來。酒自和盛公家。糧食祇白麵（赤峯來）糜子兩種（糜子米去皮。每斗二吊。帶皮每斗一吊二百）平色視赤峯。銀價每兩三吊二百文。錢串九六毛錢。斗口四十五碗。土產糜子米及牛羊騾馬。兼有狐狼。有沙雉水鳥。沙燕。杜鵑之屬。察罕木倫有魚尺許。（土人不知捕食）有德勒蘇草。（俗呼玉草。叢生密幹。經霜始白。土人用以覆屋。及圍穹廬之用。若以編帽。可獲大利）哈爾海草。（葉如蒿。有刺。可食）馬鈴花（花紫色。秋冬草枯。用以喂羊）之類。